



# BELLICUS EQUUS

EX JOBI cap. 39. ad Vers. 15.

**A** Spice quos artus? quàm ferrea pectora gestat  
Viribus indomitis Sonipes? quàm triste minatur  
De radiante jubâ & crebro ferus intonat igne  
Crinibus excussis spargat cùm colla superba,  
Robore cervicem sic sultus tendit in hostes  
Armatasque acies, pumilæ nec more Cicadæ  
Formidansve sui salit; at terit ungula Campum,  
Et Phlegethontes è naribus evomit iras.  
Utque sibi intentis audax immiscuit hastis  
Et circum pharetræ, Clypei, fulgentibus enses  
Concrepuere minis; tunc hinc quoque nescius omnis  
Terrorisq; metûsque simul, ronchissat & udis  
Fœdantur spumis armamentaria belli.  
Morsibus horrificis incensus corda furore  
Convellit terræ glebas; tum devorat illas:  
Huic tuba nec clangens, huic nec sunt tympana curæ;  
Æra sed, & lituos, & bellica classica quævis  
Ridet, conturbans tennes hinnitibus auras;  
Et quasi præsciret terras à cæde rubentes,  
Hic canit antè tubas phaleratus bella futura,  
Fulmina, facta Ducum, clamores eminùs audit.

